



Vogošća, ul. Jošanička, br. 80; tel: 00387 33 586 413, fax: 586 418

Broj: 07-14-1325/17

Vogošća, 10.08.2017. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 10.08.2017. godine donio je

**ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA NASTAVKU
IZGRADNJE DISTRIBUTIVNE GASNE MREŽE NA PODRUČJU MZ-A BLAGOVAC (UL.
BLAGOVAC IV) I VOGOŠĆA I (UL. D.JOŠANICA I) NA PODRUČJU OPĆINE VOGOŠĆA**

Ponuda ponuđača "HIK-NET" d.o.o. Sarajevo, ulica Stara željeznička stanica broj 2. Vogošća, odabrana je za izvođenje radova na nastavku izgradnje distributivne gasne mreže na području MZ-a Blagovac (Ul. Blagovac IV) i Vogošća I (Ul. D.Jošanica I) na području općine Vogošća, kao jedina prihvatljiva ponuda po kriteriju najniže cijene, sa ukupnom cijenom nabavke u iznosu od 85.466,78 KM bez PDV-a, odnosno 99.996,13 KM sa PDV-om.

OBRAZLOŽENJE

Općinski načelnik dana 07.07.2017. godine pokrenuo je Otvoreni postupak za izvođenje radova na nastavku izgradnje distributivne gasne mreže na području MZ-a Blagovac (Ul. Blagovac IV) i Vogošća I (Ul. D.Jošanica I) na području općine Vogošća koji je objavljen na Portalu javnih nabavki AJN BIH dana 07.07.2017. godine.

Na prvoj sjednici Komisije za javne nabavke, prilikom otvaranja ponuda dana 27.07.2017. godine, Komisija je utvrdila da su pristigle 2 ponude i to:

- Ponuda ponuđača "HIK-NET" d.o.o. Sarajevo, broj int. knjige 133/17 sa ponuđenom cijenom od 85.466,78 KM bez PDV-a;
- Ponuda ponuđača "EŠ-COMPANY" d.o.o. Sarajevo, broj int. knjige 134/17 sa ponuđenom cijenom od 94.287,53 KM bez PDV-a.

Na drugoj sjednici, dana 08.08.2017. godine, Komisija je razmotrila pojedinačne dokumente ponuđača koji su dostavili potrebnu dokumentaciju u cilju provjere formalno-pravnih uslova. Po završenom postupku pregledavanja formalno-pravnih uslova, Komisija je utvrdila sljedeće:

-da ponuda ponuđača "EŠ-COMPANY" d.o.o. Sarajevo, ne ispunjava uslove iz Tenderske dokumentacije tražene tačkom 7.4-naslava Tehnička i profesionalna sposobnost, i to stav 7.4.2. pod a), kojom se traži dokaz-spisak izvršenih ugovora u ukupnom iznosu jednakom ili većem od 150.000,00 KM bez PDV-a u posljednjih 5 (pet) godina računajući od dana podnošenja ponude-referenc lista, a koju sačinjava ponuđač na svom memorandumu sa potvrđama o izvršenim ugovorima od strane krajnjeg korisnika u skladu sa članom 48. stav 2. Zakona, iz razloga što dostavljena referenc lista i prateće potvrde o izvršenim ugovorima nisu u vezi sa predmetnom nabavkom.

Komisija konstatuje da ponuda ponuđača "HIK-NET" d.o.o. Sarajevo ispunjava formalno pravne uslove, odnosno zahtjeve Ugovornog organa tražene Tenderskom dokumentacijom, te se pristupilo računskoj provjeri dostavljene ponude i utvrđeno je da ista nema računskih grešaka.

Komisija je jednoglasno dala preporuku Općinskom načelniku da donese Odluku o izboru najpovoljnijeg ponuđača "HIK-NET" d.o.o. Sarajevo za izvođenje radova na nastavku izgradnje distributivne gasne mreže na području MZ-a Blagovac (ul. Blagovac IV) i Vogošća I (ul. D.Jošanica I) na području općine Vogošća, kao jedine prihvatljive ponude, sa ponuđenom cijenom od 85.466,78 KM bez PDV-a, odnosno 99.996,13 KM sa PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "HIK-NET" d.o.o. Sarajevo
2. "EŠ-COMPANY" d.o.o. Sarajevo
3. Nadležnoj Službi
4. U dosije
5. a/a

033/436-860

033/771-832



OPĆINSKI NAČELNIK


EDIN SMAJIC